

小學廣播劇 3 《衣著準則》

故事大綱：同學相約在場館外，大家都笑其中一個同學穿西裝來好誇張，談到衣著作為一種
尊重的重要。

track 1 音樂起..... 漸細

【兩個同學在大笑】

Hayden : 好喇嗱你咁！有咩咁好笑嗱！

Michael : 梗係好笑啦！你著成咁！

Cindy : 成套西裝呀！好靚仔嗱，扮大人結婚呀！【眾人笑】

【腳步聲跑至，黃 Sir 上場】

同學 : 黃 Sir！

黃 Sir : 你哋搵死我喇，我叫咗你哋喺後台門口擺飛嚟嘛！

【黃 Sir 分門票，Michael 又笑】

Michael : 嘩黃 Sir，你仲誇張，乜你著踢死兔嘅？

黃 Sir : 咁我要上台表演咁嘛，一陣你入到去音樂廳就會見到，成台人都係著成咁㗎！
我成日同你哋講，表演係一件好認真同莊重嘅事，我哋嘅衣著都表示緊對呢
件事嘅尊重。

Hayden : 我都話啦！要尊重場合，唔可以著得太求祈㗎！

黃 Sir : Hayden 你咁著都啱嘅，但係好似你兩個，短褲、人字拖……唉。

Cindy : 但係上次媽咪帶我去聽草地音樂會都係著得好隨便咋嗱。

Hayden : 你都識話草地音樂會啦，係俾人擺住杯嘢飲，喺草地好悠閒咁聽音樂，又點
同呢！

黃 Sir : Hayden 就講得啱喇，有啲場合係連表演者都刻意著得隨意，等大家唔好覺

得古典音樂太嚴肅，不過普遍嚟講大家都會著得整齊啲嘅。

Cindy : 咁點算呀？我係咪應該去買返對鞋呀？

Michael : 我就話表示尊重唔一定要著得好，有啲人著得好好，但係聽音樂會嘅時候食嘢、擺膠袋甚至係接電話，咁仲唔尊重個表演啦！

黃 Sir : 咁 Michael 又講得啱啱，希望你一陣唔係嗰個又著得「啡啡」又嘈嘅觀眾就好喇——

【黃 Sir 的手機響起】

喂？哦咁點算呀——唔緊要！我呢到已經有個幫手！

【黃 Sir 掛上電話】

Hayden 既然你著得咁四正，我有個任務俾你。

Hayden : 咩呀？

黃 Sir : 揭譜嗰個病咋，你上嚟幫我吖！

M、C : 吓！

Hayden : 都話執得四正有著數㗎啦！

Michael : 唔係掛！佢唔識睇譜架啱！

Cindy : 吓！

track 1 音樂起..... 漸細

~~~~~ 完 ~~~~~

「故事大綱」只作參考用，毋須朗讀。

廣播劇稿由莊梅岩創作

主辦：

協辦：

